

52951

地理部
127
卷之三



泗陽州志

泗陽州志



泗陽盧氏慎始基齋
據舊鈔本校于都門

志目

沔陽童承敘

紀

郡紀第一

表

郡縣表第一

封爵表第二

秩官表第三

人物表第四

志

提封上第一

沔陽州志目

提封下第二

創設第三

河防第四

食貨第五

秩祀第六

儒學第七

兵戎第八

傳

秩官列傳第一

人物列傳上第二

人物列傳下第三

良牧傳第四

名將傳第五

死事傳第六

名賢傳第七

逸士傳第八

僑寓傳第九

孝義傳第十

外傳第十一

序志

余爲志據諸史傳及故志所載冗者裁焉鄙者黜焉略者覈焉訛者正焉疑者傳焉其功賴諸子搜校爲多

特類萃耳紀一表四志八傳十有一統十有八卷郡之大事鑿戒存焉作郡紀封爵秩官人物皆爲郡邑重作四表凡志郡邑者民所止也故首提封位署建而制度彰矣故次創設役莫大於隄障民食仰焉故次河防河防固而財用阜矣故次食貨富必有教故次秩祀學校者禮所從出故次儒學有文必有武故次兵戎凡傳秩官人物敘事也良牧惠也名將錄功也死事忠也名賢尊德也逸士尙志也僑寓思也孝義崇節也外傳備遺也童承敘識

沔陽州志卷一

沔陽童承敘

郡紀

唐堯之興因顓帝所建為九州其南為荆爾雅注漢南曰荆沔荆州

域也

虞舜肇十有二州其一荆州

夏禹平水土還為九州荆及衡陽惟荆州嶓冢導漢過

三澨至于大別岷山導江過九江洞庭至于東陵巴陵江漢

朝宗于海沱潛既道雲土夢作乂

商湯奄有九有制如夏

周文王之化自北而南江漢之域先被其澤謂之周南

沔陽州志卷一

一

於是作漢廣之詩

武王受命亦為九州正南曰荆州川曰江漢藪曰雲夢

成王封鬻熊曾孫熊繹於楚居丹陽歸州沔為楚地景陵

為郢地漢志景陵有郢鄉水經注巾曰西竟陵大城古郢國也

昭王五十一年王巡狩返濟漢舟解王與祭公俱溺焉

胡三省注左桑引水經注左桑在雲杜昭王溺處言百姓佐王喪也雲杜又有橫桑言得昭王喪處晉於竟陵

置橫桑成

夷王時楚子熊渠甚得江漢民和至文王熊賁益疆陵

江漢間小國

定王三年楚莊王侶總帥諸侯觀兵周郊并吞江漢之

間

景王十六年魯昭公十三年楚公子比為王公子黑肱為令尹

次于魚陂杜預注竟陵縣北有甘魚陂楚守甘魚之口亦此地

敬王十四年定公四年楚滅鄖封鬬辛為鄖公是歲吳入鄖

昭王出奔入雲中盜攻之王走鄖鄖公辛與王出奔隨

涉於成日杜預注竟陵縣西有白水

赧王三十七年秦白起攻楚拔郢遂東至竟陵

秦始皇郡縣天下置南郡沔為南郡地

漢興高祖更置江夏郡竟陵為縣西北為雲杜縣故志

城在景陵西北梁於此置沔陽郡胡三省通鑑辨誤梁置沔陽郡於景陵縣地李賢漢書注雲杜在沔陽縣西北

沔為雲杜地故志王莽改竟陵曰守平

沔陽州志卷一 二

莽地皇元年竟陵三老漢鄉官名起兵於郡界新市

人王匡王鳳與馬武王常共起雲杜綠林中二年荆

州牧發兵攻之匡等迎擊於雲杜大破牧軍遂攻拔

竟陵

東漢竟陵雲杜制如漢

桓帝延熹七年正月戊辰桓帝幸竟陵過雲夢臨沔水

獻帝建安三年九月蜀先主敗於長坂斜趨漢津與關

羽船會得濟沔景陵今有留駕河先主廟

十月吳周瑜破曹操於烏林按史操引次江北被燒走華容今烏林正在江北與

赤壁對故關羽亦曰烏林之役

三國竟陵雲杜吳地

晉初竟陵雲杜制如漢

武帝太康元年杜預鎮襄陽開楊口通零桂之漕預傳楊口

起夏水達巴陵水經注楊水北逕竟陵縣北注于沔謂之楊口通典復州沔陽有夏水

惠帝元康九年分江夏西部都尉置竟陵郡治石城領

縣六長壽竟陵新市霄城新陽雲杜

太安二年正月義陽蠻張昌聚黨為亂江夏間起兵應之

七月荊州刺史劉弘以南蠻長史陶侃為大都護遣攻昌於竟陵大破之

懷帝永嘉六年正月胡亢聚眾於竟陵自號楚公以杜曾為竟陵太守

沔陽州志卷一

十二月杜弢別將王真襲沔陽按晉志南郡江夏郡並無沔陽胡三省注當屬

竟陵郡界宋白曰復州沔陽縣即楚王城縣也郡國志沔陽縣即楚王城

成帝咸康五年九月石虎將夔安李農陷沔南進圍石城竟陵太守李陽拒戰破之

穆帝永和四年十月石虎使其將苻健寇竟陵

帝奕太和三年四月慕容暉將慕容塵寇竟陵太守羅崇擊破之

孝武帝太元六年十二月苻堅荊州刺史都貴遣其司馬閻振寇竟陵桓冲遣冠軍將軍桓石虔與其弟石民

破之擒振按晉志都貴作梁成

南宋初竟陵郡屬荊州孝建元年屬郢州領縣竟陵木

產連理其上有光

齊和帝中興元年蕭衍至竟陵命王茂曹景宗為前軍進逼郢以中兵參軍張法安守竟陵城

梁武帝分竟陵郡置沔陽郡隋志梁置沔陽郡胡三省釋文辨誤梁置沔陽郡於

漢竟陵縣地故志雲杜城注梁於此置沔陽郡

大通五年十二月魏荊州刺史賀拔勝遣軍攻沔陽拔

之史昭通鑑釋文沔陽漢中邑胡三省釋文辨誤漢中沔陽屬梁州時梁州已為魏有史昭釋非

大清三年司州刺史柳仲禮赴臺城竟陵郡守孫暲以郡叛入于魏宇文泰使大都督符貴鎮之

簡文帝大寶元年正月仲禮還暲仍以郡歸泰將開府楊忠擒仲禮于滹頭別將王叔孫以竟陵降于忠

沔陽州志卷一

史敘曰晉置竟陵郡治石城陸今安書其事何竟陵我郡

也其治石城何石城竟陵地也竟陵既自為郡凡大事

必書書必繫於竟陵明我郡事也書我郡事故不嫌於

石城也梁置沔陽郡竟陵為異郡矣復書其事何存故

也春秋書陳災詩列邶鄘之風陳楚并之也邶鄘衛并

之也何為復繫之存之也

西魏省州陵惠懷二縣置縣曰建興見隋志即今治所

郡惠懷屬江夏改竟陵曰霄城晉有霄城魏或後周置復州取

池湖為名治建興又省營陽州城二郡入建興見隋志營陽州城志闕

復以霄城為竟陵

隋文帝開皇間徙復州治竟陵

仁壽三年州治復徙建興

煬帝大業初改沔州又改建興曰沔陽尋復沔陽郡統

縣五

沔陽監利竟陵甌山漢陽

大業十一年十一月城父朱粲聚眾轉掠荆沔所過無
噍類

恭帝義寧元年十月沔陽人張繡謀據郡叛隋推蕭詵
為主

唐高祖武德四年五月隋真定令周法明遣于紹德攻
沔陽拔之因以城降于唐

武德五年改復州屬山南道領縣三

沔陽竟陵監利

是年徙復
州治竟陵

太宗貞觀七年仍徙治沔陽

玄宗天寶元年改竟陵郡

肅宗乾元元年改復州

寶應二年徙治竟陵

穆宗長慶四年夏復州漢水溢決

僖宗乾符三年十一月濮州賊王仙芝黃巢攻陷復州

光啟元年春正月淮南叛將張瓌韓師德陷復州據之

昭宗天祐二年八月朱全忠遣楊師厚陷復州

五代梁復州曰武威

歐陽修五代史職方考

以監利入江陵府

太祖開平四年分漢江南為白沙徵科院

屬江陵玉沙始此故書

均王貞明五年五月吳武昌節度使季簡帥水軍攻復

州執知州鮑唐

晉高祖天福元年改復州曰景陵郡竟陵曰景陵縣

周改沔州

宋太祖建隆三年改復州景陵郡領縣二景陵沔陽

乾德三年以白沙院為玉沙縣屬江陵

太宗太平興國五年七月復州江漲民舍堤塘皆壞

淳化二年七月復州蜀漢二江水漲壞民田廬

至道三年以江陵府玉沙縣來屬至是領縣三

仁宗寶元二年廢沔陽為鎮併其地入玉沙

神宗熙寧六年州廢以景陵隸安州玉沙亦廢為鎮屬監

利

哲宗元祐元年復置復州及玉沙縣仍屬復州

欽宗靖康二年金人入寇殺鎮海軍節度使劉延慶其

徒祝進王在去為盜犯復州攝德安守劉規連戰破之

高宗建炎元年九月都統制范瓊捕斬李孝忠於復州

紹興三年五月復州水

孝宗淳熙三年夏復州旱冬大饑

八年七月復州不雨至於十一月明年五月不雨至於

七月十五年五月荆江溢復州水

寧宗開禧二年金人圍襄陽德安游騎迫景陵京湖宣

撫使吳玠遣張榮將兵援之金人再犯景陵張榮死之

玠募死士入景陵命其將王宗廉死守調大軍分道夾

擊金人遂去時郡學諭陳嘉言亦死之嘉言之死故志云開禧間據史當在是年也

理宗端平三年蒙古忒木解攻襄陽江陵知復州施子仁死之是年復州景陵併徙治沔陽鎮以玉沙為附郭

淳祐十二年二月蒙古寇復州

度宗咸淳八年九月復州副將翟國榮遇元兵戰爛泥湖死之

十年元將伯顏及宋兵戰於風波湖

十一年伯顏兵次復州安撫使程貴迎降伯顏諭諸將不得入城

恭帝德祐元年四月元將阿里海牙寇江陵宣撫朱禕

沔陽州志卷一

孫制置高達降禕孫移檄所部歸附程貴以城降元初還縣治于景陵

世祖至元十二年改復州路

十六年陞沔陽府隸河南省領縣二玉沙景陵

成宗元貞二年十二月玉沙水

大德九年五月至七月玉沙江溢

仁宗延祐元年六月沔陽饑

順帝至正九年四月沔陽大水

十二年春正月辛未徐壽輝陷沔陽推官余述祖達魯花赤咬住死之元史是年荅失入都魯引兵敗賊

十五年春正月丁丑徐壽輝遣其將倪文俊復陷沔陽

陳友諒亦起於黃蓬

六月命章佩監丞普顏帖木兒翰林修撰烈瞻招諭沔陽

七月命參知政事哈林禿及王塔失帖木爾守禦沔陽如賊不降卽進兵討之

十一月以太不花爲湖廣行省左丞相總兵招撫沔陽吳元年沔陽學產瑞蓮

明興初爲沔陽府隸湖廣行省

高皇帝洪武九年改沔陽州省玉沙入焉直隸湖廣布政司編戶四十里領縣一景陵

景陵編戶二十六里

沔陽州志卷一

純皇帝成化十年夏大水城內乘舟

敬皇帝弘治六年冬大雪恆寒

十三年大水

毅皇帝正德四年賊丘仁楊清聚眾於麻洋布政使陳鎬副使蔣昇率兵擒之

八年夏六月沔陽學復產瑞蓮

十一年大水明年水大饑民物多耗

十三年都御史陳金奏改沔陽隸漢陽府民言不便者以千數知州李濂奏罷之

肅皇帝嘉靖三年十二月晦地震

六年六月大水民田廬皆壞戊辰迅風大雨雹

是夜人畜多溺

死

七年夏旱河竭

八年沔陽疫秋七月漢溢

九年秋大水八月丁丑有星如月自東南流於西北俄有聲如雷

史敘曰夫祥異者天乎順逆者人乎隆污者時乎天兆於上人變於下而時運乎其中矣相與之際何較然弗爽也是故郡之事孰大焉余因稍論次紀之夫沔之事載諸前聞大者如是而已休也咎也臧也否也興也廢也豈非後世之恆鑒哉

贊曰南紀建邦實維雄鎮兆分祥沴蹟殊休吝建革隨遷興替迭運時易事更交徵互應粵稽往牒式昭恆鏡

郡縣表

郡縣表		州	縣
唐	荆州城	荆州城	
虞	同	同	
夏	同	同	
商	同	同	
周	同	同	
春秋戰國	楚地	郢地	
秦	南郡地	竟陵	
西漢	雲杜縣地 <small>屬江夏郡</small>	竟陵雲杜 <small>二縣地</small>	
新莽		守平	
東漢	同	竟陵雲杜	
三國吳	同	同	
晉	雲杜縣地 <small>屬竟陵郡</small>	同	
南宋	同	同	
齊	同	同	
梁		沔陽郡	
		竟陵	
西魏	建興縣	霄城	
後周	復州	竟陵	

沔陽州志卷二

一

	隋		唐		五代梁	唐	晉	漢	周	宋
建興縣	建興縣	復州 河州 沔陽縣 沔陽郡	復州 沔陽縣	復州 竟陵郡 復州	復州	復州	景陵郡 景陵	復州	沔州	沔陽玉沙地 二縣
竟陵	復州	竟陵	復州	復州	竟陵	復州	景陵郡 景陵	復州	沔州	復州景陵郡

沔陽鎮

復州

玉沙縣

玉沙鎮

復州廢

景陵蘇安州

玉沙縣

復州

景陵

復州

景陵縣徙

元

復州路

景陵

沔陽府

沔陽州志卷二

三

玉沙縣

皇明

沔陽府

景陵

玉沙縣

沔陽州

史敘曰夫州堃之畫存乎制沿革之變因乎時竟陵沔陽漢晉而下並為名都重鎮雲杜霄城建興又為公侯爵邑其所由來遠矣至其封郭徙置不能不隨代而殊余故列之於篇備觀省焉

贊曰雲夢畫堃江漢導流剖郡置守開國建侯晉隋重鎮漢唐名陬遷徙殊代封割異謀

沔陽州志卷二

盧靖校刊

沔陽州志卷三

沔陽童承敘

封爵表

	王	公	侯	男
東漢			竟陵侯劉	
	竟陵王林		平城陽恭 平王後承 平五年封 平卒子真 嗣真卒子 禹嗣禹卒 嗣子嘉	竟陵縣男桓 宣銓人孝 武封
晉	懷帝封			
	竟陵王劉	竟陵縣公	霄城侯趙	
南宋	義宣	劉道璘	倫之	
	千戶	中弟食	帝封	
	竟陵王劉	竟陵郡公	霄城侯蕭	
	誕文帝第	蕭道成	斌竟陵縣	
	齊高帝	封後為	侯吳喜	
		人明帝封	食邑千戶	
		竟陵侯薛	深汾陰人	
		封	元徽末	
		雲杜侯段		

沔陽州志卷三一